

Maghari diha sa Kinabuhi

Basahong Kasulatan: Rom. 5:10, 17, 21; 12:5-7; 16:1-16, 20

- I. Ang kompletong kaluwasan sa Dios aron man maghari ta diha sa kinabuhi pinaagi sa kadagaya sa grasya ug sa gasa sa pagkamatarong—Rom. 5:17, 21:**
- A. Ang paghari diha sa kinabuhi mao ang hingpit nga pagsinati sa organicong kaluwasan sa Dios—vv. 10, 17, 21.
 - B. Ang gasa sa pagkamatarong alang man sa balaodnong katubsanan sa Dios; ang grasya aron man makasinati ta sa organicong kaluwasan sa Dios—1:17; 5:10:
 - 1. Ang gasa sa pagkamatarong mao ang balaodnong katubsanan sa Dios nga praktikal nga giaplikar kanato—3:24, 26.
 - 2. Ang grasya mao ang Dios mismo nga igo-sa-tanan nga sangkap nato aron organico tang maluwas—1 Cor. 15:10; 2 Cor. 12:9.
 - C. Ang kinahabogang nakab-ot sa pagpursigir nato ni Cristo mao ang paghari nato uban ni Cristo diha sa Iyang diosnong kinabuhi pinaagi sa dagayang grasya Niya—Fil. 3:13-14; Rom. 5:17, 21:
 - 1. Ang paghari diha sa kinabuhi pagdaog, pagbuntog, ug pagbuot man nato ni Satanas, sa kalibotan, sa sala, sa unod, sa atong kaugalingon, ug sa tanang sirkumstansya sa palibot—8:2, 35-37.
 - 2. Ang tanang magtutuo nga nakadawat sa kadagaya sa grasya ug sa gasa sa pagkamatarong magbatasan gyod nga magpapugong ug magpalimiti sa diosnong kinabuhi—itandi sa Mat. 8:9.
- II. Mosulod gyod ta sa kasinatian sa paghari diha sa kinabuhi—Rom. 5:17, 21:**
- A. Gipanganak ta pag-usab sa diosnon, espirituhanon, langitnon, ug harianong kinabuhi; magpalingkod nato sa trono kining kinabuhia aron maghari ta sa tanang butang—Juan 1:12-13; 3:3, 5; Bug. 5:10.
 - B. Sa kasinatian, ang maghari diha sa kinabuhi nagpasabot nga magpasakop ta sa pagbuot sa diosnong kinabuhi—Mat. 8:9:
 - 1. Sumbanan si Cristo sa paghari diha sa kinabuhi sa pagpasakop Niya sa pagbuot sa diosnong kinabuhi sa Amahan—itandi sa vv. 5-13.
 - 2. Panig-ingnan si Pablo sa tawo nga, sa iyang kinabuhi ug pagpangalagad, nagpasakop sa pagbuot sa diosnong kinabuhi—2 Cor. 2:12-14.
 - 3. Naghari ngani ta diha sa kinabuhi sa pagpasakop nato sa pagbuot sa diosnong kinabuhi, mahigawas ta sa pagbulot-an sa kangitngitan—Col. 1:13a.
 - 4. Nagpasakop ngani ta sa pagbuot sa diosnong kinabuhi, nagkinabuhi ta diha sa gingharian sa Anak sa gugma sa Dios, nga niini gibut-an ug gipugngan ta sa katam-is sa gugma—v. 13b.
 - C. Ang paghari diha sa kinabuhi pagbuntog man sa tanang pagsupil—Rom. 5:17-18, 21:
 - 1. Kusganon ug buhi, aktibo ug dili pasibo, positibo ug dili negatibo, kugihan ug dili mapasagaron ang espiritung naghari.
 - 2. Ang tawong dunay ingon niana nga espiritu dili lang nga nagpabilin sa iyang posisyon ug nagpasakop sa pagbulot-an sa Dios kondili dunay kusganong pagtuo sab ug sigeng nigamit sa pagbulot-an sa Dios diha sa posisyon sa pagkayab—Mat. 28:18; Efe. 2:6.
 - D. Ang paghari diha sa kinabuhi kana mang gigiyahan sa Ginoo ang atong kasingkasing—Prov. 21:1; 2 Tes. 3:5.

- E. Kay naghari man ta diha sa kinabuhi sama sa gibuhat sa Dios, mahimo tang Dios sa kinabuhi, kinaiya, pagpadayag, ug kagamitan apan dili sa ranggo sa pagka-Dios—Rom. 5:17, 21; Col. 3:4; 2 Ped. 1:4.

III. Ang paghari diha sa kinabuhi sa Roma 5 maoy sekreto sa tanang butang sa Roma 6—16:

- A. Makita gyod unta nato ang tanang butang sa capitulo 6 hangtod sa 16 ning kahayaga.
- B. Gisaysay sa mga capitulo 6 hangtod sa 16 ang paghari sa kinabuhi; ang tanang butang nga gibatbat ning mga capitulo maoy lugwa dili sa pagpaningkamot nato kondili sa pagdawat nato sa kadagaya sa grasya—5:21.
- C. Kon naghari ta diha sa kinabuhi, naa ta sa tanang butang nga gipadayag sa mga capitulo 6 hangtod sa 16.

IV. Ang lugwa sa paghari nato diha sa kinabuhi, nga nagpasakop sa pagbulotan sa diosnong kinabuhi, mao ang tinuod ug praktikal nga kinabuhi sa Lawas nga napadayag diha sa iglesiahonong kinabuhi—5:17, 21; 12:5-8:

- A. Ang matag butang sa pagkinabuhi sa kinabuhi sa Lawas sa Roma 12—13 nagkinahanglan nga magpabuot ta sa diosnong kinabuhi aron makakinabuhi ngadto sa Ginoo—itandi sa 2 Cor. 5:14-15:
 - 1. Ihalad gyod nato ang atong lawas ingon nga halad-inihaw nga buhi—Rom. 12:1b.
 - 2. Dili gyod ta magpaumol uyon ning panahona, magpatransporma hinuon ta sa pagpabag-o sa atong salabotan—v. 2.
 - 3. Dili gyod ta mag-isip sa atong kaugalingon labaw sa angay natong isipon, mag-isip hinuon ingon sa mga maligdong og hunahuna, kay gibahinan man sa Dios ang tagsatagsa og sukod sa pagtuo—v. 3.
 - 4. Isipon gyod nato nga diha sa Lawas ni Cristo daghan tag bahin, ug dili managsamag kagamitan ang tanang bahin—vv. 4-5.
- B. Magkinabuhi gyod ta sa kinabuhing dunay kinamaayohang kagawian alang sa kinabuhi sa Lawas pinaagi sa paghari diha sa kinabuhi:
 - 1. Mahigugma gyod ta nga walay pagminaot ug mainitong maghigugmaay diha sa gugmang inigsoon—vv. 9a, 10a.
 - 2. Dili gyod ta magtinapol sa kasibot, magmainiton hinuon ta sa espiritu, magalagad sa Ginoo—v. 11.
 - 3. Magmalahutayon gyod ta sa kasakitan—v. 12b.
 - 4. Magkalipay gyod ta uban sa mga nagkalipay, ug mohilak gyod ta uban sa mga nanghilak—v. 15.
 - 5. Kon mahimo, basta kita lay pabut-on, magkinabuhi gyod ta nga may kadait sa tanang tawo—v. 18.

V. Maghari gyod ta diha sa kinabuhi sa pag-awat nato ni apostol Pablo sa pagdala sa mga iglesia lokal ngadto sa pakig-ambitay sa Lawas ni Cristo—16:1-16:

- A. Diha sa tanang iglesia nga nag-umol sa usa ka unibersoanong Lawas ni Cristo, walay organisasyon, apan dunay pakig-ambitay sa Lawas ni Cristo—Fil. 1:5.
- B. Ang pakig-ambitay diha sa mga iglesia mao ang pakig-ambitay sa Lawas ni Cristo—1 Cor. 10:16:
 - 1. Gibasi ang pahiuli sa Ginoo sa kamatuoran nga usa ra ang Lawas ni Cristo, nga napadayag sa daghang dapit ingon nga mga iglesia lokal—Efe. 1:22-23; 4:4; Bug. 1:11.

2. Kay usa ra man ang Espiritu, usa ra sab ang Lawas, ug usa ra ang sirkulasyon sa kinabuhi diha sa Lawas; kining sirkulasyona mao ang pakig-ambitay sa Lawas ni Cristo—Efe. 4:4; 1 Juan 1:3, 7.
 3. Ang pakig-ambitay sa Lawas ni Cristo mao ang sirkulasyon sa Espiritu; nagsirkular ngani ang Espiritu sulod sa Lawas ni Cristo, nagsirkular sab tanan ang pagkadios, pagka-tawo, persona ni Cristo, kamatayon ni Cristo, ug pagkabanhaw ni Cristo.
 4. Ang diosnong pakig-ambitay maoy realidad sa pagkinabuhi diha sa Lawas ni Cristo—1 Cor. 1:9; 12:12-13, 27.
- C. Pinaagi man sa pakig-ambitay sa mga iglesia diha sa Lawas ni Cristo nga madugmok sa Dios sa kalinaw si Satanas ilalom sa atong mga tiil—Rom. 16:20.

VI. Gihatagan ta sa Roma 16 og maayo kaayong sumbanan ni apostol Pablo sa pagdala sa tanang balaan ngadto sa nakigsakot nga kinabuhi sa tibuok Lawas ni Cristo; niana mang kinabuhia tinuod tang makahari diha sa kinabuhi—5:17:

- A. Tagsatagsang gipangumusta ni Pablo ang mga balaan, gihisgotan ang labing menos kawhaag pito ka ngalan; nagpakita kini nga dako gyod ang pagkaila, pag-sabot, ug pagtagad niya sa tagsatagsa kanila—16:1-16.
1. Ang mga pagpailaila ug pagpangumusta ni Pablo nagpadayag sa pagtinagdanay diha sa mga balaan ug sa panag-ambitay diha sa kaiglesiahan—itandi sa Col. 4:15-16.